

**Ingingo ya 13 :**

1. Umuyobozi wese ugenda mu muhanda *abujijwe* <sup>1</sup>kurengerera inzira y' abanyamaguru, <sup>2</sup>ubwikinge <sup>3</sup>inkombe, <sup>4</sup>umuhanda, cyangwa <sup>5</sup>uduhandwa tw'amagare *abigirishije uruhande urwo arirwo rwose rw'ikinyabiziga cyangwa ibyo kikoreye.*

**Ingingo ya 14 :**

Iyo banyuze iruhande rw'inkomyi abanyamaguru bagomba gukikira banyuze mu muhanda, abayobozi bagomba gusiga umwanya ufite *ubugari bwa metero imwe nibura hagati yabo n'iyo nkomyi.*

- ✓ Iyo bidashobora kubahirizwa kandi umunyamaguru akaba anyura hafi y'iyo nkomyi, **umuyobozi agomba kuyikikira afite umuvuduko utarengeje kilometero 5 ku isaha .**

**2.1.4. ICYICIRO CYA IV: Inkomane – Gutambuka mbere****Ingingo ya 15 :**

1. Umuyobozi wese ugiye kugera mu nkomane agomba gukoresha ubwitonzi buhagije bujyanye n'uko aho ageze hameze kandi akareba neza niba umuhanda agiye kwinjiramo utarimo inkomyi, akagenda agabanya umuvuduko akurikije uko asanga atabona neza kandi byaba ngombwa agatanga ikimenyetso cy'uko ageze hafi.

Umuyobozi w'ikinyabiziga agomba by'umwihariko kwegera isangano agenda yegera isangano ku buryo ashobora guhagarara kugirango ubunyabiziga bitambuka mbere bihite ;ndetse n'iyo ibimenyetso by'umuriro bimwemerera gutambuka ntashobora kwinjira mu isangano iyo ikinyabiziga cye gishobora kuhahagarara kandi kikabiza guhita ibinyabiziga bigenda mu muhanda usanganywa.

2. Umuyobozi wese uvuye mu nzira nyabagendwa ifite ibyerekezo bibiri akaba ashaka kwinjira mu yindi ifite icyerekezo kimwe **Agomba kureka ibinyabiziga biyigendamo bigatambuka.**
3. Umuyobozi wese uvuye mu nzira nyabagendwa idafite umuhanda wa kaburimbo cyangwa ukozwe nk'urimo kaburimbo akaba yinjira mu nzira ya kaburimbo n'ibimeze nkayo **agomba kureka ibinyabiziga biyigendamo bigatambuka .**
4. Umuyobozi wese uvuye mu kayira cyangwa mu nzira y'igitaka akaba ajya mu nzira nyabagendwa itari akayira ntibe n'inzira y'igitaka: **Agomba kureka ibinyabiziga bigenda muri iyo nzira bigatambuka.**
5. Umuyobozi wese uvuye ahantu hahana imbibi n'inzira nyabagendwa agiye kwinjiramo **Agomba kureka ibinyabiziga biyinjiramo bigatambuka.**

**Ingingo ya 16 :**

Binyuranyijwe n'ibimaze kuvugwa mu gika cya 15,umuyobozi wese agomba kureka ibinyabiziga bituruka mu kuboko kwe kw'iburyo bigatambuka keretse iyo ari mu masangano aho agomba kubahiriza amategeko yo gutambuka mbere yerekanwa n'ibimenyetso B.1 cyangwa B.2b na B.22cyangwa yerekanwa n'ibimenyetso by'amata .

Utegetswe kureka abandi bagahita ntashobora gukomeza urugendo atari uko abona adashobora guteza impanuka agereranije n'uko ibindi binyabiziga biri mu muhanda bimuri kure.n'umuvuduko bifite.

1. Umuyobozi ugiye kwinjira mu isangano aho bagomba kuzenguruka,**Agomba kureka ibinyabiziga byagezemo bikabanza bigatambuka.**
  2. Umuyobzi wese ugeze mu masangano aho ibinyabiziga biyoborwa n'ibimenyetso by'umuriro **Agomba kuva muriryo sangano adategereje ko kugenda mu cyerekezo aganamo byemerwa,**
- ✓ Ariko akabikora ku buryo atabera inkomyi ibindi binyabiziga bigana mu cyerekezo cyemerewe kugendwamo